



USLOVI ULASKA U BOSNU I HERCEGOVINU

STRANCI

Vijeće ministara Bosne i Hercegovine donijelo je Odluku o proglašenju nastanka stanja prirodne ili druge nesreće na teritoriju Bosne i Hercegovine („Službeni glasnik BiH", br. 18/20), zbog opasnosti od moguće pojave epidemije zarazne bolesti prouzrokovane novim koronavirusom (COVID-19), a kako bi se smanjio rizik od ubrzanog širenja infekcije u Bosni i Hercegovini i omogućilo angažiranje dodatnih resursa za odgovor na ovu javnozdravstvenu prijetnju.

Zbog spriječavanja i suzbijanja širenja virusa SARS-COV-2, Vijeće ministara Bosne i Hercegovine donijelo je i **ODLUKU O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU**, („Službeni glasnik BiH", br. 57/20 i 58/20), kao i **ODLUKU O IZMJENAMA I DOPUNAMA ODLUKE O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU** od 11.6.2021. godine.

USLOVI ULASKA U BOSNU I HERCEGOVINU

Stranac koji ispunjava uslove za ulazak u Bosnu i Hercegovinu propisane Zakonom o strancima, može ući u Bosnu i Hercegovinu ukoliko na graničnom prijelazu Bosne i Hercegovine predoči jedan od sljedećih dokaza:

- **negativan nalaz PCR testa ili brzog antigenskog testa na virus SARS-CoV-2, koji nije stariji od 48 sati ukoliko dolazi iz zemalja Evrope, a ukoliko dolazi iz drugih zemalja koji nije stariji od 72 sata do dolaska na granični prijelaz Bosne i Hercegovine,**
- **potvrdu o vakcinaciji za osobu koja je prije više od 14 dana od dana dolaska na granični prijelaz Bosne i Hercegovine primila drugu dozu vakcine protiv COVID-19 ili je vakcinirana jednom dozom prije 14 dana i više od dana dolaska na granični prijelaz Bosne i Hercegovine, ako se radi o vakcini koje se prima u jednoj dozi,**
- **potvrdu izdanu od liječnika da je prebolio bolest COVID-19 u proteklom periodu od 14 dana, do 180 dana od dana dolaska na granični prijelaz Bosne i Hercegovine.**

Izuzetno od članka 2. ove Odluke, stranci koji ne moraju prilikom ulaska u Bosnu i Hercegovinu predložiti negativan nalaz testa ili potvrde su:

- **državljeni Crne Gore, Republike Hrvatske i Republike Srbije, kada u Bosnu i Hercegovinu ulaze direktno iz države čiji su državljani, kao i njihova maloljetna djeca i supružnici koji su državljani drugih zemalja,**
- **posada i kabinsko osoblje zrakoplova** čije je krajnje odredište Bosna i Hercegovina,
- **vozači i suvozači teretnih vozila** tijekom obavljanja međunarodnog transporta robe u cestovnom prometu uz uvjet da njihov boravak u Bosni i Hercegovini ne traje dulje od 12 sati,
- **posade teretnih vlakova i brodova** u međunarodnom prometu,
- **diplomatsko-konzularno osoblje i osoblje međunarodnih organizacija** pri obavljanju njihovih službenih dužnosti, a koje tijekom ulaska u Bosnu i Hercegovinu mora posjedovati i predložiti odgovarajuću važeću putovnicu,
- **službe i timovi civilne zaštite** kada je njihov ulazak u Bosnu i Hercegovinu žuran i neodgodiv,
- **pripadnici vojnih snaga** država članica Sjevernoatlantskog ugovora i ostalih država koje sudjeluju u Partnerstvu za mir i pripadnici Stožera NATO-a i EUFOR-a u Bosni i Hercegovini,
- **čelnici država i vlada i članovi njihovih izaslanstava** čiji je dolazak i odlazak iz Bosne i Hercegovine najavljen Graničnoj policiji Bosne i Hercegovine diplomatskim putem ili putem protokola nadležnog tijela Bosne i Hercegovine,
- **stranci koji tranzitiraju preko teritorija Bosne i Hercegovine** radi povratka u zemlju uobičajenog boravka, bez zadržavanja na teritoriju Bosne i Hercegovine,
- **maloljetni stranac** čiji je roditelj državljanin Bosne i Hercegovine, kao i **stranac koji je supružnik** državljanina Bosne i Hercegovine,
- **djeca mlađa od sedam godina koja putuju u pratnji roditelja ili staratelja, ako isti posjeduju negativan nalaz PCR testa ili brzog antigenskog testa na virus SARS-CoV-2, odnosno potvrdu o cijepljenju ili da je prebolio bolest COVID-19,**

- **stranci s odobrenim privremenim ili stalnim boravkom u Bosni i Hercegovini, ukoliko se vraćaju u Bosnu i Hercegovinu nakon izlaska i boravka samo u Crnoj Gori, Republici Hrvatskoj i/ili Republici Srbiji, pod uvjetom da ukupan boravak u ovim državama nije trajao dulje od 48 sati od napuštanja teritorija Bosne i Hercegovine, što se dokazuje otiskom izlaznog, odnosno ulaznog štambilja u putnoj ispravi stranca,**
- **stranci državljani Republike Turske koji svakodnevno prelaze granicu Bosne i Hercegovine radi izvođenja radova na izgradnji mosta Rača u okviru realizacije projekta autocesta/brza cesta Sarajevo-Beograd-Sarajevo. Ministarstvo komunikacija i prometa BiH dostavit će Graničnoj policiji BiH ovjerenu listu državljana Republike Turske koji su angažirani kao izvođači radova na izgradnji mosta Rača u okviru navedenog projekta sa imenima, prezimenima i brojem putne isprave sa kojom prelaze granicu BiH i potvrdu da se projekt realizira na temelju potpisanog Sporazuma o suradnji na realiziranju projekta autocesta/brza cesta Sarajevo-Beograd-Sarajevo („Službeni glasnik BiH – Međunarodni ugovori“, broj 13/20).**

Napomena: Trenutno se tokom ulaska u Bosnu i Hercegovinu ne određuju mjere karantina ili samoizolacije, dok su sve osobe po ulasku u Bosnu i Hercegovinu obvezne pridržavati se uputa i poštovati sve naredbe nadležnih epidemiološko-zdravstvenih tijela (socijalna distanca, zaštitne maske, dezinfekcija ruku i dr.)